

ՀԱՅ-ՎՐԱՑԱԿԱՆ ՀԱՐԱԲԵՐՈՒԹՅՈՒՆՆԵՐԸ ԵՎ ԲԱԽՇԻ
ԻՇԽԱՆՅԱՆԸ

1900-ական թվականների առաջին տասնամյակների հրապարակախոսների մեջ իր ուրույն տեղն ունի հանրաճանաչ տնտեսագետ Բախշի Իշխանյանը: Օտվել է Լեռնային Ղարաբաղում 1879թ.: Սկզբնական կրթությունն ստանալով ծննդավայրում՝ այնուհետև սովորել է Լայպցիգի համալսարանում, որն էլ 1905-ին ավարտելուց հետո ստացել է տնտեսագիտության դոկտորի աստիճան: Բազմաթիվ լեզուներ իմացող հմուտ մասնագետին առաջարկել են բազմաբնույթ աշխատանքներ եվրոպական մի շարք համալսարաններում, սակայն Իշխանյանը պիտի վերադառնար հայրենիք՝ իր երկրին օգտակար լինելու համար: 1906թ. նա Թիֆլիսում հրապարակում է «Կյանք» թերթը, ապա դառնում «Մշակ» լրագրի պոլսերից մեկը և մինչև թերթի դադարեցումը մնում է նրա աշխատակիցներից: Հայաստանի առաջին Հանրապետության օրերին եղել է վիճակագրական վարչության պետ՝ իր մահկանացուն կնքելով 1921թ. օգոստոսին:

Հայրենասիրական հովերով Լայպցիգից վերադարձած երիտասարդ գիտնականը ցնցված էր Կովկասում կատարվող անցքերից:

Հետաքրքրական էին Անդրկովկասի քրիստոնյա երկու ազգությունների հայ-վրացական հարաբերությունները: Դեռևս 19-րդդ. վերջին և 20-րդ դ. սկզբին Ռուսաստանում կապիտալիստական հարաբերությունների զարգացմանը զուգընթաց լուրջ տեղաշարժեր էին տեղի ունենում ոչ միայն սոցիալ-տնտեսական ոլորտում, այլև միջէթնիկ հարաբերություններում:

Մինչ կապիտալիզմի զարգացումը, վրաց ազնվականության դիրքերն Անդրկովկասում բավական ամուր էին, սակայն կապիտալիզմի զարգացման արդյունքում դրանք սկսեցին խաթվել: Իսկ հայերի համար նոր պայմանները բավական նպաստավոր էին: Ի տարբերություն վրացիների ու թաթարների, հայերին հաջողվեց արագ ներգրավվել զարգացող առևտրա-արդյունաբերական հարաբերություններում: Ընթանում էին տեղաշարժեր գյուղերից դեպի խոշոր քաղաքներ, որտեղ նպաստավոր պայմաններ կային առևտրով ու արտադրությամբ զբաղվելու համար: Հայ քաղաքաբնակները շատ արագ աճեցին ու հզորացան ձևավորելով բուրժուական դասակարգ: Սակայն հայկական կապիտալն իր արմատներն էր գցում, ցավոք, ոչ թե Երևանում, Կարսում, Ալեքսանդրապոլում, այլ գերազանցապես Թիֆլիսում, Բաքվում, մասամբ նաև Բաթումում:

Հայերի առավել, իսկ վրացիների ու թաթարների պակաս ներգրավվածությունը կապիտալիստական հարաբերություններում բացատրվում է նրանով, որ գարգացող առևտրաարդյունաբերական ոլորտում ընդգրկվում էին, բնականաբար, ոչ թե վրացի ու թաթար ունևոր կալվածատերերը, որոնք տիրում էին խոշոր կալվածքների և չէին կարող արագ բաժանվել դրանցից ու տեղափոխվել քաղաք, այլ հողագուրկ հայերը: Դարասկզբին վրացիների շրջանում տոհմիկ ազնվականների խավը, որն էլ տիրում էր մեծաթիվ կալվածքների, կազմում էր Կովկասի ամբողջ ազնվականության 41.53%-ը, թուրք-թաթարների՝ 27.5%, իսկ հայերի շրջանում այս դասը կազմում էր ընդամենը 5.46%¹: Այսինքն Կովկասում ապրող տոհմիկ ազնվականների 2/5-ից ավելին վրացիները էին: Այսպես, Անդրկովկասի առևտրաարդյունաբերական ոլորտում վրացիների և թաթարների կրավորականության պատճառով առաջացած պահանջարկը հիմնականում լրացվեց հողագուրկ հայերով, որոնց համար առևտուրն ու արդյունաբերությունն ապրուստի, թերևս, միակ միջոցն էին: Բացի այդ, հայերը, ապրելով քաղաքակրթությունների և առևտրական ճանապարհների խաչմերուկներում, հնուց իվեր զբաղվում էին առևտրով և հայտնի էին այդ ասպարեզում իրենց ունեցած հաջողություններով: Նրանց հաջողվում էր տարանցիկ առևտրական ուղիներով կապել ոչ միայն Արևելքն Արևմուտքի, այլև Հյուսիսը Հարավի հետ: Հայկական լեռնաշխարհի աշխարհագրական դիրքը, նպաստել են հայերի մեջ այնպիսի հատկությունների ձևավորմանը, ինչպիսիք են շարժունակությունը, առևտրական ունակություններին ու հմտություններին տիրապետելը, օտարվայրերում, այլ ժողովուրդների միջավայրում արագ հարմարվելու կարողությունը, ճկունությունը, լեզուների իմացությունը և այլն: Որ երկու ժողովուրդների բարիդրացիական հարաբերություններն էին տալու դրական արդյունք, չէին կասկածում ոչ հայ մտավորականները, ոչ հայ գյուղացին, ոչ էլ հայ բանվորը: Եվ երբեմն-երբեմն վրացական ազգայնական մամուլի օրգաններում երևան եկած հակահայկական ելույթները ի գործու չէին կտրելու հային վրացուց, քանզի միմյանց նկատմամբ բարեկամաբար տրամադրված և հայ, և վրացի մտավորականները լավ էին հասկանում, որ ճնշումն ու շահագործումը հավասարապես է բաժին հասնում և վրացի աշխատավորին, և հային:

Բախշի Իշխանյանի գնահատմամբ հայ-վրացական հարաբերությունների խաղաղ ընթացքի խախտումը նոր երևույթ չէ և 1910-ական թթ. ազգամիջյան կոնֆլիկտներ էին սերմանում նաև վրաց շովինիստները: Ըստ

¹ Իշխանյան Բ., Կովկասյան ժողովուրդների ազգաբնակչության կազմը, պրոֆեսիոնալ խմբավորումը, Թիֆլիս, 1904, էջ 192:

նրա հայ-վրացական անտագոնիզմի այն բոլոր ձևերն ու դեպքերը, որոնք արտահայտվում են հասարակական, քաղաքական, պետական և կրթական գործերում՝ երկուստեք շփումների ժամանակ, այդ բոլորի հալամարտ սաղմերը պետք է որոնել այն հակադիր տեխնիկական մեթոդների մեջ, որոնք հիմք են կազմում վրաց կալվածատիրական և հայ կապիտալիստական կատեգորիաների հալամարտ տնտեսությունների²:

Իշխանյանն իր «Հայ-վրացական յարաբերությունների պրոբլեմը» աշխատության մեջ գրում էր, թե կան մարդիկ, որոնք կարծում են, որ հայ-վրացական հարաբերությունների խաղաղ ընթացքի երբեմնի խախտումը արդյունք է թյուրիմացության և չարամիտ ինտրիգների: Ուստի, մտածում են նրանք, որ պետք է խուսափել հրապարակական քննադատություններից՝ տրամադրությունները երկուստեք ավելի չպղտորելու համար: Նրա կարծիքով այդ տեսակետը խախտու էր, որ չի կարելի արհամարհել հասարակական փաստը: Հրապարակական բոլոր արտահայտությունները հայ-վրացական համակենցաղ հարաբերությունների մասին բանավոր, թե մամուլի միջոցով պախարակելի են այն բոլոր դեպքերում, եթե նրանք ունեն կրքոտ, թունավոր բովանդակություն, գրգռիչ բնույթ՝ ժողովուրդներին իրար դեմ թշնամացնելու դիտավորությամբ: Նա պնդում էր հակառակը, որ չափազանց օգտակար են այնպիսի տեսությունները, որոնք նպատակ ունեն փաստացի վերլուծությամբ և ակադեմիական լրջությամբ քննել ու լուծել ծագած պայքարի հիմնական աղբյուրները, նրա էությունը որպես այդպիսին³: Իշխանյանի կարծիքով Պոլիտեխնիկումի կառուցման տեղի հարցի շուրջը ալիքավորող արտասովոր աղմուկը ստակ մի էջն էր այն պատմության, որի անունն է հայ-վրացական հալամարտությունների տարեգրություն, որը սկիզբ է առել այդ հարևան ազգերի կուլտուրական վերածնության շրջանից: Հարաբերությունների անհաշտ պահեր եղել են, կշարունակեն իրենց գոյությունը երբեմն գուցե ավելի սուր ձևերով, քանի դեռ կանգուն կմնան նրանց ծագման ու զարգացման իրական նախապայմանները: Ըստ նրա ամեն անգամ, երբ շփման կոնկրետ պահեր են պատրաստում հայ-վրացական ազգաբնակչությունների համար, ամեն անգամ, երբ այդ երկու հարևանների գրաված դիրքերը և հասարակական ազդեցությունները գալիս և բախվում են միմյանց հրապարակով, այդ դեպքերում կատաղի ֆշռոցով զլուխ է բարձրացնում նացիոնալիզմը, խախտվում նրանց «խաղաղ» փոխհարաբերությունների «նորմալ» ընթացքը⁴:

² Իշխանյան Բ., Հայ-վրացական յարաբերությունների պրոբլեմը, Թիֆլիս, 1914, էջ 18:

³ Տե՛ս նույն տեղում, էջ 5-6:

⁴ Տե՛ս նույն տեղում, էջ 6-7:

Արդեն 1914թ. առաջին օրերին «Մշակը» տպագրում է կոչ «Հայոց և վրաց ինտելիգենցիային», ուր տհաճությամբ է արձանագրվում, թե տարա-
 ձայնությունների նոր ալիք է բարձրանում, որն օգտակար չէ ոչ մեզ հա-
 մար, ոչ վրացիների, ուստի թերթն արաջարկում է ձեռք ձեռքի տված հար-
 թել թյուրիմացությունը: Իսկ բանավեճը սկսվել էր Միքայել Պապաջան-
 յանի Ռուսաստանի պետական դումայում արտասանած ճառի առիթով,
 ուր նա հայտարարում էր, թե վերջապես Ռուսաստանը հասկացավ, որ իբր
 մեծ քրիստոնյա պետություն, որի մեջ ապրում են միլիոնավոր հայեր, պետք
 է սառն ու անտարբեր մնա դեպի այն սոսկալի տանջանքները, դեպի այն
 անտանելի զրկանքները, որին ենթարկված է այդ հայերի մեծ հատվածը:
 «Զվենի էրի» թերթը հրապարակում է հետևյալ հոդվածը. «Կովկասի բոլոր
 ժողովուրդները պետք է միանան, որպեսզի միահամուռ կռիվ մղեն հայ
 շովինիստների էջմիածնական ագրեսիվ քաղաքականության դեմ»⁵: Եվ
 որպես զավեշտական վերջաբան է հնչում սոցիալ-դեմոկրատների եզրա-
 կացությունը, թե օտար պետությունները պետք է միջամտեն Թուրքիայի
 ներքին գործերին⁶: «Մշակը» եզրականացնում է, թե «սոցիալ-դեմոկրատ»
 կոչեցյալ պատգամավորների բերանով խոսում են մուսուլմանը, վրացին և
 ադաճալվոր ռուսը, որովհետև նրանք տգետ են պատմությունից և գիտեն,
 որ օրինավոր պայմաններ Թուրքիայում չկան և չեն կարող լինել, «Ժամա-
 նակն է, որ վրացի շովինիստները հասկանան»⁷ հոդվածում նշվում է, թե
 վրացիները դեռ չեն հանդարտվել ու շարունակում են նորանոր առիթներ
 և պատրվակներ բերել, հրահրել մարդատյացության կայծեր...: Թերթը
 շարունակում է. «Մենք միշտ քարոզել ենք սեր, համերաշխություն մինևույն
 հողի վրա ապրող ազգությունների միջև: Մենք աշխատել ենք, որ հայերի ու
 վրացիների միջև տիրեն բարեկամություն, բարի հարաբերություններ:
 Սակայն, երբ վրացի շովինիստները, չգնահատելով մեր բարի զգացում-
 ները, սկսում են իրենց մի տեսակ ասպետական ազգ ցույց տալ, իսկ
 հայերին մի տեսակ մակաբույծ, շահագործող ժողովուրդ, վրացիներին
 բարերար, իսկ հայերին՝ երախտամոռ, այդտեղ մենք ստիպված ենք ասել
 բավական է, ճանաչեցե՞ք ձեր չափը և դադարացրե՞ք ձեր դոկսիշտության
 հոխորտանքներն ու սպառնալիքները, վերջ տվե՞ք ձեր ակնարկներին, թե
 իշխանությունն, իբր, այժմ բարյացակամ է վերաբերվում հայերին»⁸:

⁵ Տե՛ս Ալոյան Լ. Ա., Հետաքրքրույան շրջանի: «Մշակի» նշանավոր հրապարակախոսները: Երևան, 2007, էջ 79-80:

⁶ Տե՛ս նույն տեղում, էջ 80:

⁷ Տե՛ս նույն տեղում:

⁸ Տե՛ս նույն տեղում:

Հայտնի է, որ ազնվականությունը ցարիզմի հասարակական հենարանն է, և ցարիզմն էլ մի շարք միջոցառումներով ձգտում էր սատարել նրան: Այսպես, Կովկասի փոխարքա Մ.Ս. Կորոնցովը 1844թ. Հիմնեց Հասարակական խնամակալության Անդրկովկասի վարչություն (Պրիկազ), որի նպատակն էր վրաց ազնվականներին բավական ցածր տոկոսներով վարկավորել: Վրաց իշխաններն ու ազնվականներն իրենց կալվածքները շտապեցին ներդնել այդ վարչությունում, իսկ փոխարենը ստանալով վարկային գումարներ փոխանակ ներդնելու և նպաստելու տնտեսության զարգացմանը, սկսեցին շտայլորեն ու անիմաստ վատնել այն: Նրանք, տարիների ընթացքում մեծ պարտքեր կուտակելով, բնականաբար, կախման մեջ ընկան փոխարքայից և իշխանություններից: Վերջիններս էլ պետական գանձարանի հաշվին մի քանի անգամ տարածամկետ վճարումներ սահմանեցին կամ էլ ուղղակի վերացրին այդ պարտքերը: Բայց վերոնշյալ վարչությունը լուծարվեց, իսկ փոխարենը ստեղծվեցին բազմաթիվ վարկային ընկերություններ, որոնք այլևս բարեհոգաբար զիջումներ չէին կատարում պարտատու վրաց ազնվականներին: Այդ ժամանակ վրաց ունեոր հողատերերի պարտքը դրամատնային հաստատություններին, ըստ պաշտոնական տվյալների, կազմում էր ներդրած կալվածքների 80%-ը, իմերեթ հողատերերինը՝ 55%-ը: Իսկ հայ առևտրականներն ու արդյունաբերողներն այդ ընթացքում արդեն հասցրել էին իրենց ձեռքում կուտակել զգալի դրամական միջոցներ, և ցանկանում էին դրանք վերածել կապիտալի: Այսպես սկսվեց վրաց հողատերերի սնանկացման և հայերի կողմից Թիֆլիսի նահանգում հողային տարածքների ձեռքբերման գործընթացը:

Այս գործընթացների մասին Բ.Իշխանյանը գրում է. «Այն, ինչ Ռուսաստանում և մասնավորապես Կովկասում չի կատարվել քաղաքականորեն վերացում կամ նվազեցում ազնվական դասի մեծ, ավելորդ բանակի, դա կատարվում է ինքնաբերաբար տնտեսական կովի հողի վրա: Միջնադարյան բնական տնտեսության ոսկրացած ներկայացուցիչները պետք է բնան հրաժեշտորեն տեղի տային տեխնիկական ինդուստրիային և վաճռողական ընթացքի առաջ»⁹:

Այսպիսով, հայ ունեորների շրջանում կապիտալի կուտակումն իրականացվում էր վրաց հողատերերի սնանկացմանը զուգահեռ և մասամբ նաև դրա հաշվին: Նույն հարցին է անդրադարձնում նաև Բ.Իշխանյանը իր «Հայ-վրացական հարաբերությունների պրոբլեմը»¹⁰ շարունակաբար

⁹ Իշխանյան Բ., Կովկասյան ժողովուրդների ազգաբնակչության կազմը, պրոֆեսիոնալ խմբավորում, էջ 193:

¹⁰ «Մշակ», 1914թ., № 135, 136, 137:

հողվածներում, և այն միտքն է հայտնում, թե վրաց ազնվականության դասի ստորին շերտը կազմալուծվում է վերածվելով պրոլետարիատի, մյուս կողմից սնանկանում և իր տիրական դիրքերից ընկնում է նաև իշխանական տիտղոսավոր հատվածը: Բայցնայնպես, սոցիալական դրությամբ դրանք դեռ տարբերվում են ահավոր չափերով: Բայց մի տեղ, այնուամենայնիվ, նրանք միասնական են, քանի որ կորցնում են իրենց սոցիալական տիրապետության ամուր հիմքերը, իսկ կարևորը կապիտալիստական հարաբերություններն են, երբ միջնադարյան ավատականության վերջին շառավիղներն են ոչնչանում: Վրացական, ինչպես նաև թուրք-թաթարական, հայկական ազնվականությունը, իբրև կալվածատիրական կատեգորիայի խմբերի, տեղի են տալիս խոշոր կապիտալի սրարշավ նվաճումների առաջ դեպի գավառները: Նրա կարծիքով Գովկասը չունի այն ուժը, որպեսզի բավարարություն տար արդյունաբերական ուժերի զարգացման պահանջներին, առանց արտասահմանյան տարրերի մասնակցության: Այդ պատճառով եվրոպական խոշոր կապիտալի նավթային հոշակավոր արդյունաբերության մեջ, ֆրանսիական կապիտալը լեռնագործական ձեռնարկությունների և բեկզիականը հաղորդակցության մեջ հասել են արդեն այնպիսի պատկառելի ծավալման և բարձրության, որ որոշ տեղերում տեղական տարրը հետ է մղվում զգալի կերպով: Սրան ավելանում է նաև ռուսական կապիտալի մուտքը, բայց համեստ քանակությամբ: Եվ քանի որ քաղաքային տարրն է ավելի մոտ կանգնելու այդ, գործերին, առաջինը հայն է, որ մասնակցում է մեր երկրի ինդուստրիալ-գացիայի պրոցեսին և այստեղից էլ վեր է բարձրանում կապիտալիստական դասակարգը հայկական բուրժուազիան, որը առաջնային դեր է խաղում ամբողջ Գովկասում: Ահա այստեղից էլ, չնայած նաև հայ բուրժուազիային են ճնշում ռուսական և արտասահմանյան կապիտալը, հայ տարրը դեռ աշխատում է գիջողություններ անելով հանդերձ, դեռևս դիմանալ, իսկ վրացիների մեջ ավելի է խորանում «վիրավոր» ճեղքվածքը: Իսկ եթե վրաց ազնվականությունն էլ հողեր է վաճառում, ճեղքվածքն ավելի է լայնանում: Նրա կարծիքով սա բնական պրոցես է, իսկ «Էրի» լյազիրն, օրինակ, դիմում է ազգին, թե ետ տանք բոլոր հիմնարկությունները, կուլտուրական օջախները, կրթական մարզը, թատրոնը, գրականությունը, միայն թե վրաց կալվածատերերը դրան ունենան և իրենց հողը չվաճառեն այլ ազգիներին: Իշխանյանը սա համարում է զավեշտ և գրում է, թե մեզ վրա պարտք է ծանրանում ապացուցելու և հույս ունենք հաղթելու ֆեոդալական-նացլոնալիստներին, որ սզնվականության անկումով ոչ միայն վնաս ու կորուստ չունի վրաց ազգը, այլև նա ունի ամենամեծ բարիքը վաղ թե ուշ ազա-

տագրվելու տնտեսապես և հասարակականորեն իր օրգանիզմի փտած, ձեռնառելի անպետք մասնիկներինք:

Ելքան պատմական ժամանակահատվածում վրացիների շրջանում սկսեց տարածվել այն տեսակետը, թե իրենց դիրքերի թուլացումը պայմանավորված է առնորով գրավող հայերի հաջողություններով. որոնք, տնտեսապես հզորանալով, իրենց ձեռքում կուտակեցին զգալի ֆինանսական դրամագույն, ինչն էլ հնարավորություն էր տալիս նրանց գնելու վրաց ազնվականների թուրքալիզ տնտեսությունները: Ելենք, որ հայերին հաջողվել էր նաև որոշակի բարձր դիրք գրավել Թիֆլիսի քաղաքային կառավարման համակարգում (քաղաքայինդումա):

Այդ շրջանում վրաց ազնվականության ազգայնական հատվածը սկսեց ամեն ոտիք օգտագործել հասարակության շրջանում հակահայկական տրամադրություններ տարածելու նպատակով: Այդ դժգոհությունները իբրեւ բարձրակետին հասան 1914թ.: Ոչ միայն հայ տարրի հզորացումը, այլ նույնիսկ այդ տարրի միայն ֆիզիկական գոյությունը Վրաստանում, վրտակ և արգելք էր ներկայացնում վրաց նացիոնալիստների նպատակների իրականացման ճանապարհին¹¹:

Վրաց մամուլի բոլոր օրգանները, սկսած պահպանողական երբեմնի «Էրերիայից», առաջադիմական «Յնոբիսփուրցելիից» մինչև ռուսոտոտ և վրացոտտ օրգանները՝ «Заквказье», «ЗаквказскаяРечь», «Масхатийот'հազետի», «Էրի», «Կղե» և այլն, այսպես էին դատում, թե հայերը, իբրև եկվոր տարրեր, մեր երկրում տիրել են մեր մայրաքաղաքին: Երանք կենտրոնացրել են իրենց ձեռքը մեր երկրի հարստությունները, հեռուսպես նաև կուլտուրական արժեքները: Պառահեղ շինությունները, տները, սրիստոկրատական եվրոպականացած քաղաքամասերը նրանց են պատկանում: Երանք իրենց ձեռքն են վերցրել խոշոր առևտուրն ու արդյունաբերությունը, որոնց շահագործումից տուժում են մեր մանր առևտրականությունն ու արհեստավորությունը, մեր քաղաքային ազգաբնակչության միջին խավերը: Բայց ամենավիրավորականը, դա հաղկական կոալիտայի հետգիտես ուժեղացող արշավն է դեպի մեր տարածքի կենտրոնական վայրերը, դեպի մեր կալվածքները, մեր հողային սեփականությունները¹²:

Իշխանյանը այս բացատրում էր նրանով, որ վրաց ազնվականները զգալի արագությամբ վաճառում են իրենց հողերը հայ կապիտալիստներին, իսկ դա նշանակում է, որ վրացիները ծախու են հանում իրենց մայրենի

¹¹ Ишканиев Н. *Метаморфоза грузинской социаль-демократии*. Баку, 1919, стр. 15.

¹² Դուրս տեղում, էջ 39:

երկիրը եկվոր, օտար հայերին: Իշխանյանը իր «Հայ-վրացական հարաբերությունները» գրքում մեկնաբանում էր, թե միայն ժողովրդատնտեսական շահերի տեսակետից նրանք կատարյալ իրավացի են իրենց պատասխանով: Չէ՞ որ օտար երկրացու կամ օտարահպատակի տեղափոխած կապիտալը իր որոշ տոկոսները նորից վերադարձնում է իր բնիկ հայրենիքը: Մինչդեռ համերկրացու կապիտալը իր բոլոր մասերով մնում և շահեցվում է տեղական ժողովրդատնտեսության մեջ¹³:

«Էրի» թերթը գրում էր, թե թող վրացական բոլոր հասարակական հիմնարկները ետ դնեն իրենց բոլոր կարիքները, բոլոր այն դրամազուլները, որ գործ է ածվում հասարակական-կուլտուրական կարիքների վրա, պետք է գործածվի նրա համար, որ վրացի կալվածատերերի ժառանգները լինեն վրացիներ և ոչ ուրիշ ազգություններ: Միայն այդ ժամանակ իրենք կարող են հանգիստ լինել իրենց ապագայի համար¹⁴: Իշխանյանը սա համարում էր չափազանց՝ նույնիսկ ամենադիմակազերծ նացիոնալիզմի համար: Նա գտնում էր, որ «Էրի»-ն միակը չէ իր տեսակում և նման մտածողությունը տիպիկ է վրացական մամուլին¹⁵:

Հայաստյաց հողավաճառքների կողքին, սակայն, կային շատ օբյեկտիվ լրագրողներ, որոնք ստույգ էին ուսաբանում փաստերը, ընթերցողներին ճիշտ կողմնորոշում տվյալ իրադրության մեջ: Այդպիսի մի նյութ է արտատպել «Մշակը» 1916թ. № 287-ում «Մախալո փորցելի» լրագրի թղթակցի ելույթից, ուր նա ծույլ ու անբան է անվանում այն վրացիներին, ովքեր միաձայն կրկնում են, թե Թիֆլիսը հայ կապիտալիստների քաղաք է դառնում օրեցօր: Նա զավեշտի է վերածում ասվածը, թե այդ ծույլերն ալարում են իրենց շուրջը նայել և տեսնել, որ վտանգն այլ կողմից է գալիս, որ Թիֆլիսը ոչ թե հայկականանում է այլ ... ռուսականանում է: Վրացական լեզուն իր տեղը ռուսերենին է զիջում թե՛ գիմնագիտություն, թե՛ դպրոցներում, թե՛ այլուր: Ռուսական բանվորություն, ռուսերեն լուսավորություն, լեզու, գիրք, լրագիր, բոլորը զարմանալի արագությամբ առաջ է խաղում Թիֆլիսում և ամեն ինչ ռուսականանում: Ըստ թղթակցի Թիֆլիսը իսկական ռուսական քաղաք է, պակասում է այստեղ ոչ թե բնակչությունը, այլն չափից ավելի արագությամբ կորչում է մեր ստեղծագործական ուժի ազդեցությունը: Ահա իրական վտանգը¹⁶: Փաստորեն, հայ-վրացական ազգամիջյան թշնամանք ու ասելություն սերմանելով՝ Թիֆլիսի հակահայ

¹³ Տե՛ս Իշխանյան Բ., Հայ-վրացական յարաբերությունների պրօբլեմը: Թիֆլիս. 1914, էջ 45-46:

¹⁴ Նույն տեղում, էջ 44-45:

¹⁵ Նույն տեղում, էջ 45:

¹⁶ «Մշակ», 1916թ., №287:

մամուլը գոնե պատմական այդ փուլում սպասված արդյունքներ ինչ հասավ: Սակայն այն որոշակիորեն կարողացավ վրաց ազգայնականության զաղափարաբանության մեջ արմատավորել ընդգծված հակահայկական բաղադրիչ:

Բ. Իշխանյանը տվել է հայ-վրացական հարաբերությունների համերաշխության գաղափարի իրականացման ռեալ գրավականները: Ըստ նրա հարկավոր էր հրապարակով ցույց տալ, որ երկու իրականությունների մեջ ևս ժողովրդական այնպիսի շերտեր, ինչպիսին են աշխատավոր տարրերը՝ քաղաքային, թե զավառական կյանքում, ոչ միայն հակառակ հաշիվներ չունեին հրապարակով հարթելու, այլև ունեին բոլոր կենսական շահերը ավելի ու ավելի ամրապնդելու իրենց համակենցաղ հարաբերությունների կապերը, միանալու եղբայրական հաշտության և խաղաղության գաղափարների հողի վրա և մտածելու իրենց ընդհանուր քաղաքացիական կյանքի քարտեզագծության մասին: Նա հավատում էր այդ ուժերի ողջամտությանը, առողջ բնազդներին և բանականությանը, որպեսզի նրանք թույլ տան իրենց կույր գործիքի տխուր դերը խաղալու մի սահմանում, որ նրանց ոչինչ չի բաժանում բացարձակապես: Հենց այդ պատճառով, նա ամուր ու ապահով էր համարում այն գրավականները, որոնք վճռականապես կարգեկեն արատավորելու ազգային դրոշակը հայ-վրացական հարաբերությունների հողի վրա¹⁷: Մենք միայն խորհին զոհունակությամբ կարող ենք ողջունել, էթե տեսնենք, որ մեր ասիական հայրենիքի ծոցում հանդես են գալիս օբյեկտիվ պայմաններ՝ մեր ազգաբնակչության քնած ու թմրած ուժերը լաթելու համար¹⁸:

Armenia-Georgian relationship and Baxshi Ishxanyan

Among the publicists of the mid-20th century prominent economists Baxshi Ishxanyan has his special place. As a well-known publicist he referred to Armenia-Georgian relationship by writing the work "The problem of Armenia-Georgian relationship". In the work he focusses on the problems between Armenians and Georgians, giving the facts for their reasons.

Ishxanyan didn't consider the Armenia-Georgian crisis as a new phenomenon. According to Ishxanyan there always have been, there are and there will be uncompromising situations between these relations. In the end of the work he gives the potential pledge for the implementation of Armenia-Georgian relations, solidarity, considering them strong and safe, which will strongly prohibit to reject national flag on the basis of Armenia-Georgian relations.

¹⁷Տե՛ս Իշխանյան Բ., Հայ-վրացական յարաբերությունների պրոբլեմը, էջ 93:

¹⁸Տե՛ս նույն տեղում, էջ 94: